

“Cietloegnyied” Hahnizcuz:

Hozdung Mizyinx Angq Riu Lairaeuh

充满浪漫色彩的哈尼族“六月节”

□ Veihniz ingj Sinhyungz hoiz



▲ Ngoenzciet sim' angq lai, ciengq go caiq diuq foux.

◀ Angq diuq fouxgyongicuk, mbaeni fuk dok ewnzbiengz.

▲ Bouxboux cangndang gyaeu-getget, ngoenzciet nauhyied sim angq-yangz.



▲ Fouxyozcoz Hahniz, caen miz daegsaek raeuh.



▲ Fouxbeiz miz daegsaek, bouxhek yawj haenh ndei.



▲ Doxbeg bouxak cix miz faenh, mbouj faen mbwksai dem angqyangz.



▲ Ngaizgairaez daih hek, muengh cetyouz daeuj cunz.



“Cietloegnyied” Vahhahniz heuhguh ciet “guzcahcah”, dwg beixnuengx Hahnizcuz ngoenzciet conzdungj hoenghwd ndeu, itbuen youq liggaueq ndwenloeg ngeihsei qonqlaeng gawjhengz, seizgan sam daengz roek ngoenz. Ndaw cietheiq, ranghdieg Hahnizcuz mbanjmbanj gaj vaiz caeqcuengq “ranzcou”, gyaep fangz cawz sez, baujyouh vunzmbanj bingzan, doenghduz sanj lai; beixnuengx Hahnizcuz cix cangndang gyaueget saek buh lai cungj lai yiengh, guhdoih comz daengz gizdieg cienqndiengqnged, angqvauvau dwk cienqndiengqnged, bi buengqyed, doxbeg, bae cunz mbanj diuq fouxgyong, daihgaya ciengq ha diuq ha, doenghdieg mbanjbya Hahniz dauqcauw gyukgyad nauhyied, angqyangz hoenghwd.

Ciuq goj ndawbiengz Hahnizcuz riuzcienz, mwh ciuhnduj Hahnizcuz aeueiq boux “goengsaenz” mingzcoh heuhguh Veihgij ndeu, moix bi ndwenngux, ndwenloeg de cungj bae gak aen mbanjbya cunzyawj, yawjyawj vunzraeuz, doenghduz caeuq gomiuz, soengq angqyangz vuenyungz hawj gyoengqvunz; vihle yienj faenhsim caensim aeueiq Veihgij, gyoengqvunz Hahniz gwed gyaqbuengqyed, hawj de dangguh “maxhau” gwih, lij mbaet aeu nyecoengz, nywjheu, byaekcw daengj, loengh daiz byaek lai yiengh youh haekfeih ndeu caeuq bwh ndei nywjmax, angq coux de haeuj mbanj, youhcai qaqdoq aen “cienqndiengqnged” baenqlulu haenx, gyaep fangz cawz sez, baujhoh mbanjbya an' onj. Couh baenzneix daih dem daih cienz roengzdaej, menhmenh bienqbaenz le ngoenzciet beixnuengx Hahnizcuz.

Cietheiq geizgan, gyoengqvunz Hahnizcuz cungj gak youq gyauejmbanj roxnaeuz gyangmbanj gaq cienqndiengqnged, gyonghung, buengqyed hwnjdaej, lij coih baet ranzsaenz, gaj vaiz caeqbaiq; ranzranz naengj haexnaengj, daem ceizndek, gwn laeujrekoemq. Gyoengq mbauqsau cix daenj dwk moqsaksak vava loegloeg, baenz bang baenz doih comz daengz gizdieg cienqndiengqnged, doxlwnz doxdax cienqndiengqnged, bi buengqyed, ndaek yienz boq dig, ciengq go diuq foux, sing gyong, sing bekwngz, sing yienz sing dig caeuq sing hemqswenj gyukgyadgyad haprwenz doh byonghmbwn gwnz mbanj, gij heiq gvaq ciet naekgywgygw hoenghwdhwd.

◀ Ngoenzciet caen angqyangz, caez ciengq go diuq foux.



▲ Humx feizdong diuq foux, hoh vunzraeuz vuenyungz.